

მელიძე

ხელშეკრულება საკანონმდებლო და კანონქვემდებარე აქტების მონაცემთა ბაზის განახლების მომსახურების შესყიდვაზე. „მიმწოდებელი“ შპს „ინფოსერვისი“.

ხელშეკრულება მომსახურების შესყიდვის შესახებ № 60-7-211-53

ქ. თბილისი

2011 წ. 28 თებერვალი

I. მხარეები

1.1 წინამდებარე ხელშეკრულება დადებულია 2011 წლის 28 თებერვალი, ერთის მხრივ შპს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი მმართველთა საბჭოს წევრის გიორგი შარკოვის სახით და მეორეს მხრივ შპს „ინფოსერვისი“ (შემდგომში „მიმწოდებელი“), წარმოდგენილი დირექტორის ზურაბ თეთრაძის სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ იღებს ვალდებულებას გაუწიოს „შემსყიდველს“ საკანონმდებლო და კანონქვემდებარე აქტების მონაცემთა ბაზის განახლების მომსახურება დანართი №1-ის (ხარჯთაღრიცხვა) შესაბამისად.

2.2. დანართი №1 წარმოადგენს წინამდებარე ხელშეკრულების განუყოფელ ნაწილს.

III. მომსახურების ღირებულება და ანგარიშსწორების პირობები

3.1. ხელშეკრულების საერთო თანხა შეადგენს 3800 (სამიათას რვაასი) ლარს დ.დ.გ.-ს ჩათვლით (შემდგომში – ხელშეკრულების ღირებულება).

3.2. ანგარიშსწორება ხორციელდება ყოველი კალენდარული თვის დასრულებისთანავე ფაქტიურად გაწეულ მომსახურებაზე მიღება-ჩაბარების აქტის გაფორმებიდან და ანგარიშფაქტურის წარმოდგენიდან 5 (ხუთი) კალენდარული დღის განმავლობაში.

3.3 მომსახურების ღირებულების ანაზღაურება ხორციელდება უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

4.3. „მიმწოდებელი“ მომსახურებას ასრულებს წინამდებარე ხელშეკრულების დანართი №1-ით (ხარჯთაღრიცხვა) განსაზღვრული მოცულობის შესაბამისად.

4.4 საკანონმდებლო და კანონქვემდებარე აქტების მონაცემთა ბაზის ინფორმაციული განახლების განხორციელების შესაძლებლობა ელექტრონული ფოსტის საშუალებით.

ხელშეკრულება საკანონმდებლო და კანონქვემდებარე აქტების მონაცემთა ბაზის განახლების მომსახურების შესყიდვაზე. „მიმწოდებელი“ შპს „ინფოსერვისი“.

4.5 “მიმწოდებელი” ვალდებულია განახორციელოს „საკანონმდებლო და კანონქვემდებარე აქტების მონაცემთა ბაზის“ განახლება არანაკლებ კვირაში ერთხელ.

4.6 „მიმწოდებელმა“ უნდა უზრუნველყოს დოკუმენტის მოთხოვნილი თარიღისათვის მოქმედი (კოდიფიცირებული) რედაქციით ჩვენება-ჩამოტვირთვის შესაძლებლობა.

4.7 “შემსყიდველი” ვალდებულია საკუთარ ქსელში დაიცვას საინფორმაციო-სამიებო სისტემა „საკანონმდებლო და კანონქვემდებარე აქტების მონაცემთა ბაზა“ არასანქცირებული გამრავლებისაგან.

4.8 “მიმწოდებელი” ვალდებულია წერილობით აცნობოს “შემსყიდველს” მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.9 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს “მიმწოდებელს” ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა “შემსყიდველსა” და “მიმწოდებელს” შორის ხორციელდება ამ კონტრაქტით განსაზღვრული პირობებით.

## V. მომსახურების გაწევის ადგილი და ვადები

5.1 წინამდებარე ხელშეკრულებით განსაზღვრული გასაწევი მომსახურების ვადაა 2011 წლის 1 მარტიდან **2011 წლის 31 დეკემბრის ჩათვლით.**

5.2 „საკანონმდებლო და კანონქვემდებარე აქტების მონაცემთა ბაზის“ განახლების მომსახურება განხორციელდება შემდეგ მისამართზე: ქ. თბილისი ბარათაშვილის ქ. 2. სსე-ის სათაო ოფისი.

## VI. მხარეთა პასუხისმგებლობა

6.1 „მიმწოდებლის“ მიზებით მომსახურების დაგვიანებით გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ დღეზე მომსახურების სრულად შესრულების დღემდე.

6.2 ამ ხელშეკრულების 6.1 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში თუ “მიმწოდებლის” მიერ გაწეული მომსახურება დაწუნებულია ან ხარვეზებით არის შესრულებული, წუნდებული ან ხარვეზიანი მომსახურების მაგივრად ხარისხიანი მომსახურების გაწევის დღემდე.

6.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.4. “შემსყიდველი” უფლებამოსილია მიწოდებული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს თანხა.

## VII. ხელშეკრულების შესრულების კონტროლი

7.1 “მიმწოდებელი” ვალდებულია საკუთარი რესურსებით უზრუნველყოს “შემსყიდველი” კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ “შემსყიდველი” კონტროლის მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით “შემსყიდველი”.

7.2 “მიმწოდებელი” ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 ამ მუხლის არც ერთი პუნქტი არ ათავისუფლებს “მიმწოდებელს” მოცემული ხელშეკრულების ვალდებულებებისაგან.

7.4 ხელშეკრულების შესრულების კონტროლს “შემსყიდველის” მხრიდან უზრუნველყოფს შპს “საქართველოს სახელმწიფო ელექტროსისტემის” საინფორმაციო ტექნოლოგიების დეპარტამენტის მენეჯერი **გიორგი ჩუთლაშვილი**

7.5 კონტროლი განხორციელდება გაწეული მომსახურების ხარისხისა და მომსახურების გაწევის ვადის შესაბამისობით ხელშეკრულების პირობებთან.

## VIII. შესყიდვის ობიექტის მიღება-ჩაბარების წესი

8.1 “მიმწოდებლის” მიერ წინამდებარე ხელშეკრულების 7.4 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან. ხარვეზების არ არსებობის შემთხვევაში ფორმდება მიღება-ჩაბარების აქტი ფაქტიურად შესრულებულ მომსახურებაზე.

8.2 მომსახურების მიღების დროს აღმოჩენილი ხარვეზების (წუნდების) შემთხვევაში “შემსყიდველი” ვალდებულია ოპერატიულად, წერილობითი სახით აცნობოს “მიმწოდებელს” სათანადო ხარვეზების შესახებ (წუნდების არსი).

8.3 ხარვეზების აღმოჩენის შემთხვევაში „მიმწოდებელი“ ვალდებულია 1 (ერთი) კალენდარული დღის განმავლობაში თავისი ხარჯებით გამოასწოროს ხარვეზი.

8.4 გაწეულ მომსახურებაზე მიღება-ჩაბარების აქტი ფორმდება ყოველი კალენდარული თვის დასრულებისთანავე.

8.5 წინამდებარე ხელშეკრულებით განსაზღვრული მომსახურება მიღებულად ჩაითვლება მიღება-ჩაბარების აქტის გაფორმებისთანავე.

## IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს-მაჟორის არსებობის საკმარის დამადასტურებელ

ხელშეკრულება საკანონმდებლო და კანონქვემდებარე აქტების მონაცემთა ბაზის განახლების მომსახურების შესყიდვაზე. „მიწოდებელი“ შპს „ინფოსერვისი“.

ცნობად მხარეები განიხილავენ შესაბამისი ქვეყნის სავაჭრო – სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

## X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონით, დეკემის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 “შემსყიდველს” შეუძლია ხელშეკრულება ვადამდე შეწყვიტოს:

11.4.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. “მიმწოდებლის” გაკოტრების შემთხვევაში;

11.4.3. თუ მისთვის ცნობილი გახდება, რომ “მიმწოდებლის” მიერ მიწოდებული ინფორმაცია ყალბი აღმოჩნდება;

ხელშეკრულება საკანონმდებლო და კანონქვემდებარე აქტების მონაცემთა ბაზის განახლების მომსახურების შესყიდვაზე. „მიმწოდებელი“ შპს „ინფოსერვისი“.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5. ამ მუხლის 11.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად შესრულებული მომსახურების ღირებულება.

## XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

## XIV. ხელშეკრულების მოქმედების ვადა

14.1 წინამდებარე ხელშეკრულება ძალაში შედის მხარეებს შორის ხელმოწერისთანავე და მოქმედებს **2011 წლის 31 დეკემბრის ჩათვლით.**

## XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე

ხელშეკრულება საკანონმდებლო და კანონქვემდებარე აქტების მონაცემთა ბაზის განახლების მომსახურების შესყიდვაზე. „მიმწოდებელი“ შპს „ინფოსერვისი“.

ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფედენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.


15.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის კანონის მე-3 მუხლის პირველი პუნქტის ს) ქვეპუნქტის შესაბამისად.

## XVI. მხარეთა რეკვიზიტები

“შემსყიდველი”:

შპს „საქართველოს სახელმწიფო ელექტროსისტემა“  
ქ. თბილისი ბარათაშვილის ქ. №2  
ს/ს “საქართველოს ბანკი”  
ცენტრალური ფილიალი  
საიდ. კოდი: 204995176  
ბანკის კოდი: BAGAGE 22  
ანგარიშის № 283534100

გიორგი შარკოვი  
მმართველთა საბჭოს წევრი



“მიმწოდებელი”:

შპს „ინფოსერვისი“  
ქ. თბილისი, ვაგზლის მოედანი №2  
ს/ს „ბანკი რესპუბლიკა“  
სადგურის ფილიალი  
საიდ. კოდი 200001229  
ბანკის კოდი: REPLG22759  
ანგარიშის № GE3IBR0600003608002037

ზურაბ თეთრაძე  
დირექტორი



ხელშეკრულება საკანონმდებლო და კანონქვემდებარე აქტების მონაცემთა ბაზის განახლების მომსახურების შესყიდვაზე. „მიმწოდებელი“ შპს „ინფოსერვისი“.

დანართი №1

საკანონმდებლო და კანონქვემდებარე აქტების მონაცემთა ბაზის განახლების მომსახურების ხარჯთაღრიცხვა:


№	მომსახურების დასახელება	რაოდენობა (თვე)	ერთი თვის მომსახურების ღირებულება (ლარი)	მომსახურების ჯამური ღირებულება (ლარი)	მომსახურების გაწევის ადგილი (მისამართი)
1	2	3		4	5
1.	„საკანონმდებლო და კანონქვემდებარე აქტების მონაცემთა ბაზის განახლება 30 (ოცდაათი) მომხმარებელზე	10	300	3000	ქ. თბილისი ბარათაშვილის ქუჩა №2 სსე-ის სათაო ოფისი
2.	„საკანონმდებლო და კანონქვემდებარე აქტების მონაცემთა ბაზის განახლება 2 (ორი) სერვერზე	10	80	800	
სულ: საერთო ღირებულება დღგ-ს ჩათვლით				3800	

ხელშეკრულების საერთო ღირებულება დ.ღ.გ.-ს ჩათვლით შეადგენს 3800 (სამიათას რვაასი) ლარს.

“შემსყიდველი”:

შპს „საქართველოს სახელმწიფო ელექტროსისტემა“

გიორგი შარკოვი  
მმართველთა საბჭოს წევრი

“მიმწოდებელი”:

შპს „ინფოსერვისი“

ზურაბ თეთრაძე  
დირექტორი

